



Selasa, 17 Oktober 2023
Ogen: Pengerana 11:1-8



Erdahin Ndatken Ulih



Kerina manusia ersura-sura jadi bayak, emaka la sitik si erbintuas erdahin. Lit ka deba si la alu iarapna ndalanken si la payo umpamana korupsi. Sada pe labo ersura-sura jadi kalak musil, sabap kemusilen seh kal latihna. Dingen labo lit kalak ersura-sura jadi musil. Kuga kin ikataken kalak musil? Secara umum kemiskinan e me kondisi i ja sekalak jelma ntah pe sekelompok kalak la ngasup ncukupi hak ras kebutuhan dasarna guna mpertahanken ras ngembangken kegeluhen si lebih ermartabat. Kemusilen enda banci saja erkiteken rendah sumber daya manusia, sura-sura ras motovasi si rendah, terbatas kal pilihnen lapangan pendahin janah la kreatif.

Rikutken sie erlajar arah renungenta wari enda, kuga kita tutus, mejingkat erdahin janah ngasup ngidah peluang, kesempatan i bas rusaha i bas kegeluhenta. Pengerana mereken piga-piga palsafah geluh manusia, i bas konteks masyarakat paksa e maka lit paksa ngaloken ulih kai siilakoken alu menterken roti ntah pe mereken erta man kalak ikepar lawit. Namaken duit i bas piga-piga usaha ertina, manusia arus rusaha arah kai si lit i bas ia. La saja duit, tapi pe kerina waktu ras paksa si ibentasi. Suari, berngi, pagi-pagi karaben i bas jaman si genduari enggo kerina banci ipake guna erdahin.

Emaka manusia labo nimai tapi aktif, kreatif i bas rukur ras erdahin sabap la siangkai kegeluhen enda rikut ras cara Dibata ngaturken kerinana. Bagin manusia erdahin alu tutus, mejingkat dingen dem pengarapen nandangi pasu-pasu Dibata. Janah i bas kerinana e, lit paksana ndatken untungna janah enda i bas pengaturen Dibata. Situhuna Moria enggo me tutus, mejingkat erdahin, mari tetap si jaga ras si asuhi biakta sibage gelah ikut kita ngurangi beligan kalak musil i bas kegeluhenta, bagi peringeten wari 'pengentasen kemiskinan' wari enda.

➤ Ibereken Dibata waktu ras kepentaren man banta, rulihiilah bas kita